

ՄԵՂՐԻ ԵՎ ՄԵՂՐԱՄՈՄԻ ՕԳՏԱԳՈՐԾՈՒՄԸ ՄԻՋՆԱԴԱՐՅԱՆ ՀԱՅ  
ԲՈՇԿԱՊԵՏ ԱՄԻՐԴՈՎԼԱԹ ԱՄԱՍԻԱՏՈՒ ԴԵՂԱՏՈՄՍԵՐՈՒՄ

Ա. Օ. ԳԱՍՊԱՐՅԱՆ

Հոդվածում ձեռագրերի հիման վրա ներկայացված են մեղրի և մեղրամոմի բուժական կիրառությունը միջնադարյան հայ բժշկագետ Ամիրդովլաթ Ամասիացու դեղատոմսերում: Տարիների մեր պրպտումների շնորհիվ գտնվել ու օգտագործվել են այդ դեղատոմսերում առաջարկված բույսերը ու այլ նյութեր, որոնք մեղրի և մեղրամոմի հետ կիրառելով կյանքում ժողովրդական բժշկության մեջ, տվել են բավական լավ արդյունք:

Բանալի բառեր: Միջնադարյան դեղատոմսեր, մեղր, մեղրամոմ:

Դեռ վաղ միջնադարից հայ բժշկության դեղատոմսերի բաղադրությունների մեջ, որպես սպեղանի, ուրույն տեղ են ունեցել մեղրը, մեղրամոմն ու մեղրվաթույնը: Մեղրն ու մոմը օգտագործվել են նաև Ամիրդովլաթ Ամասիացու բազմաթիվ դեղատոմսերում: Այդ մասին վկայություններ կան Մատենադարանի № № 411, 413 և հատկապես № 414 ձեռագրերում, որոնք հետագայում հրատարակվել են: Դրանք Փոքր Ասիայի XV դ. հայտնի բժշկագետ Ամիրդովլաթ Ամասիացու բժշկարաններն են: Նրա բազմաթիվ աշխատություններից հիշատակության արժանի են «Օգուտ բժշկութեան», «Անդիտաց անպէտ», «Ախրապատին» գործերը, որոնցում Ամասիացին տվել է հիվանդությունների պատմությունը, նրանց առաջացման պատճառները, այստորոշել է դրանք և առաջարկել է հիվանդությունների բուժման դեղատոմսեր: Ամասիացին քաջատեղյակ է եղել Հիպոկրատեսի և Դիոսկորիդեսի, Ռոսֆոսի, Գաղիանոսի, Ռալիի ու շատ-շատերի աշխատություններին, որոնց անունները նա հիշատակում է իր դեղատոմսերում, ինչպես նաև օգտվել է այդ ժամանակաշրջանում հրապարակի վրա գտնվող հայ մեծանուն բժշկագետ Մխիթար Հերացու աշխատություններից:

Ամիրդովլաթ Ամասիացու «Օգուտ բժշկութեան» աշխատությունը բաղկացած է երկու մասից և 223 գլխից: Հեղինակն այն դրել ու ավարտել է 1466—69 թվականներին: Այստեղ առաջարկված դեղատոմսերում իր համեստ տեղն ունի նաև մեղվի արտադրանքը:

Ամիրդովլաթ Ամասիացին միջնադարի ամենադժվար ընկալվող բժշկագետն է, որն իր դեղատոմսերում առաջարկված նյութերը ներկայացրել է բազմաթիվ լեզուներով: Մենք դրանց մեծագույն մասը փորձել ենք կյանքում: Այսպես, օրինակ, մազի ճեղքվելու, անժամանակ թափվելու և անժամանակ սպիտակելու դեմ Ամասիացին առաջարկում է. «Առ ծովու փրփուր և բացվենեկի մոխիր և շոռոմ ձէթ որ հին լինի, շաղվէ և օժէ շատ օգուտ է... կամ-գտաֆնուն պտուղն քացխով տրորես և կարեցն շաք ի յանձն օժէ ի

մաղն՝ նա մաղն աղեկ այէ և պայծառ: Եւ թէ՛ մոմն և եղն յիրար խառնէ և օծէ հանապաղ՝ նա օգտէ և մաղ բերե աղեկ» [1, էջ 111]: Եվ իրոք, երբ ծովի փրփուրը, օշինդրի մոխիրը, ձիթապտղի ձեթը և մեղրը շաղախում ու բսում ենք մաղերին կամ դափնու պտուղի, քացախի ու մեղրի խառնուրդով, կամ մոմի ու յուղի խառնուրդով մշակում ենք մաղերը՝ նախ գլուխը մաքրովում է թեփոց, ապա մաղերը թարմանում, փափկում, շատանում ու փայլ են ստանում, ինչպես նաև կանխվում է մաղերի ծայրերի ձեղքվելը:

Հաճախ ստամոքսի ցավին ուղեկցում է նաև գլխացավը, որի պատճառը սննդի ու ծխի խախտումն է: Նման ցավերը դադարում են խնձորի, պղպեղի, տարապղպեղի, սմբուլի, մեղրի և գինով եփուկն ընդունելիս [1, էջ 134]:

Կլիսի, ձևորի և մարմնի այլ մասերի դողոցների ժամանակ Ամասիացին խորհուրդ է տալիս ընդունել վարդի մուրաբան մեղրով ու գուլ ջրով կամ փրճի ծառի սերմը մեղրի հետ. Պարալիչի ժամանակ «տուր ամէն օր ժ դրամ. վարդի մուրապայ տրորէ տաք ջրով և այարիճ (լուծողական) տուր մեղրով, օգտէ» [1, էջ 169]:

Ձեռքի և դլխի դողալու դեմ՝ «զճալղուզան յիստակէ և ծեծէ և մեղրով շաղվէ և տուր որ ուտէ անօթիեց գ դրամ ամեն օր» [1, էջ 180]:

Աչքի կատարակտը վերացնելու համար առաջարկում է. «Կրիայի ծիրտն մեղրով շաղվէ և ի վերայ դիր» [1, էջ 206]:

Ականջի ցավերը հանգստացնում են խակ խաղողի և մեղրի, լրթախոտի ու մեղրի խառնուրդները: Լսողությունը բարվոր է դարձնում ձիթապտղի, դանձլամերի արմատի (վրաց կոճ) և մեղրի եփուկը. «Ազոխի ջուր և մեղր հալէ և կաթնեցու յականջն, և մամիսայ տրորէ և մեղր խառնէ և դիր յականջն» [1, էջ 228]: Իսկ ականջի շլակու ժամանակ՝ «Քսնի մի հատ ձիթապտուղ և խարսխա և մեղրով եփէ և ի վերայ ականջին դիր» [1, էջ 232]:

Ճարճքված շուրթերի համար առաջարկում է. «Հաուու և սագու եղ, և իսպիտակ մոմ հալէ և օծէ» [1, էջ 243]: Նման բաղադրությամբ մահլամը արագ փափկացնում և բուժում է շուրթերը:

Կուկորդը ցավելիս Ամասիացին առաջարկում է մանանեխի և մեղրաջրի խառնուրդով օգոգում՝ «Առ մանեխ և դրամ. ծէծէ և ա լիտր մեղրաջուրն խառնէ և խաղաջ արա...» [1, էջ 272]:

Հարբուխի ժամանակ առաջարկում է հետևյալ դեղամիջոցը. «զկտաւատն ծլծլ և խոնկ խոնկ և մեղրով շաղվէ և տուր [1, էջ 242]: Հարբուխին շատ արագ օգնում է այս շաղախը, երբ այն օրը մի քանի անգամ տարվում է քթի մեջ և բսվում բթանցքերին:

Ատամից և ընդերից արյուն գալու ժամանակ օգտագործել ենք բժշկապետի առաջարկած հետևյալ բաղադրությունը. «առ շիբ բ դրամ, աղ ա դրամ, սղիէ և մեղրով շաղվէ. յառաջ զլինտն լվա տաք ջրով որ արիւնի և յետոյ քսէ ի վերայ լինտին քանի մի անգամ. ազատի» [1, էջ 249]: Մեր պրակտիկայում այս դեղատոմսը տվել է լավ արդյունք:

Նրկվորը թափվում է վայրի բակլայի, օշինդրի և մեղրի խառնուրդով. «Թրմուս և օշինդր ծլծէ և մեղրով շաղվէ և տաս, զճիճին սպանէ և ձգէ» [1, էջ 366], իսկ թուրքին շատ է օգնում ձվի դեղնուցի, եղնիկի ուղեղի, հավի յուղի, գազի խեծի, նուշի, յփիսամբ, հայկավի, սպիտակ մոմի և ձիթապտղի խառնուրդը. «հակթի դեղնուց և պախրու ըղուղ և հաուու ճրագու և քիթբրայ և նշայ և աֆիոն և հայկաւ և իսպիտակ մոմ և ձէթ խառնէ և մորհամ

արա և օծէ, ի ցառուն տեղն»: Կամ՝ «դեղին մոմ և խիրոյ ձէթ և սուսանի ձէթ և հաուու ճրագու ա բաժին, և քիթրայ տրորած կէս բաժին, զամենն յիրար խառնէ և օծէ» [1, էջ 371]:

Նկատելի արդյունք են տվել երիկամների, միզափամփուշտի, միզուղիների հիվանդությունների դեպքում Ամասիացու առաջարկած դեղամիջոցները, որոնք հարկ է ընդունել բաղնիքում կամ ձի նստելիս, որպեսզի ցնցումների միջոցով այդ օրգանների քարերը թափվեն. «առ հաուու ճրագու և մանուշկի ձէթ և իսպիտակ մոմ, յիրար խառնէ և օծէ ի տեղին և աւազան նստի» [1, էջ 378]: Իսկ մանր քարերի և ավազի դեպքում՝ «առ կտուած սեխի հունդ և նախու և քամոն և կարօսի հունդ և բողկի. հունդ և լեղի նուշ զգ դրամ, զամէնն աղա և մաղէ և տուր բողկի ջրով և տուր սիստան ջուր և հոռոմ ձէթ և ապքամայ, և ըռազան և կապարի կեղև, կեր և մուտ ի բաղնիս և աւազան նիստ, քալուկ ձի հեծիր որ թոթվէ, և այս ամէն զքարն երիկամայն հանէ» [1, էջ 382]:

Երբ միզափամփուշտում քար կա՝ «մեղրաջուր և իսպիտակ շաֆն կաթով տրորես և անդամով ներս դրկես»:

Միզապարկի թարախի դեպքում՝ «առ զուկի ձէթ ա դրամ և կաքուու ճրագու գ դրամ և իսպիտակ մոմ ժ դրամ, զամենն յիրար խառնէ և մորհամ արա և հանապաղ օծէ ի բուշտն» [1, էջ 384]:

Մեղկապի ժամանակ՝ «առ քապուլի և ամլած և պալիլած ես դրամ զամէնն աղա և մաղէ և մեղրով շաղվէ և գ դրամ դարբնի ջրով» [1, էջ 389]:

Բժշկապետը խիստ կարևոր և պիտանի բուժամիջոցներ է առաջարկում կանացի հիվանդությունների՝ դաշտանի խախտման, արգանդի բորբոքումների, վիժելու, չբերության դեպքերում: Այսպես, օրինակ, դաշտանի կանոնաւորման համար գրում է. «առ կարօսի հունդ և անիսոն և ըռլիան և դաղձ զամէնն աղա և մաղէ և տուր մեղրով և սիստան ջրով» [1, էջ 412]: Արգանդի բորբոքման և խոցի դեպքում՝ «գարեջուր տուր և մեղրով հոկնայ արա և թե հուլպայ, ոսպ, տուղտը ջրով եփէ ժ դրամ մեղր խառնես և եղկ հոկնայ արա» [1, էջ 416]: Վիժելու դեմ՝ «քամոն և կարօսի հունդ և անիսոն և ըռլիան ծէծէ և տուր ա մխթալ մեղրով» [1, էջ 425]: Զբերության դեմ՝ «զաֆրան և սմպուլ և աքիլմէլիք աա դրամ. սատէճ և զրտմանա ժ ժ դրամ. սազու, հաուու և այծու ճրագու և հակթի դեղնուց եփած բբ նուկի. զամէնն յիրար խառնէ և մորհամ արա և ներս տար և յէրիկն ի մոտն երթայ» [1, էջ 427]:

Գրքում առաջարկվում են նաև մի շարք մահլամների դեղատոմսեր, կնոջ կրծքի բորբոքումների, սակավ կաթի հորդացման, մատնաշունչի ու կարմիր քամու (խումրա) բուժման համար: Այսպես՝ երբ կնոջ կուրծքը ցավում է և կաթ չի գալիս, բուժման համար առաջարկվում է. «առ մոմ և մանուշկի ձէթ և հակթի դեղնուց, զամէնն զրպես մորհամ արա և օծէ ի վերան»: Երբ միաժամանակ արյուն է կապվում կրծքի մեջ՝ «բակլայի ալուր մեղրով մորհամ արա և օծէ, և տաք ջուր լից և քիչմն հոռոմ ձէթ խառնէ» [1, էջ 433]:

Ամիրդովլաթ Ամասիացին իր հաջորդ՝ Անգիտաց անպէտ» աշխատությունը գրել և ավարտել է 1478—82 թվականներին, որը 1926 թվականին հրատարակել են Վիեննայի Մխիթարյանները (հրատարակիչ Կ. Բասամճյան): Այստեղ ներկայացված է 3754 դեղատոմս, որոնցում նույնպես կան մեղրի ու մեղրամոմի օգտագործման փաստեր: Օրինակ՝ Լրեսի մաշկի մաքրման համար առաջարկվում է. «Ասալուսան թէ ծէծէն եւ մեղրով շաղեն եւ Լրեսն աւ-



ծեն, օգնել մանին, սպինին, որ ի երեսն լինի» [2, էջ 26]: Այո, վառվառուկի ու մեղրի խառնուրդը, ինչպես նաև դեղին մոմի, սուսամբարի ու եղրևանու յուղով մաշված մաքրում է երեսի ցաները, սպինների հետքերը. «դեղին կամ կարմրժեռ մոմն դամպաղի ձիթով և յեսամինի ձիթով խառնես և յերեսն ասծես» խիստ պայծառ առնէ և յիստակ» [2, էջ 427]:

Զղաղարող լույծի դեպքում շատ է օգնում մեղրի, վարդի յուղի և գինու խառնուրդի օգտագործումը. «և մեղր և վարդի ձիթ եոցնեն և խմցնեն, և պինի խմցնեն» [2, էջ 28]:

Գլխի թևի մաքրման համար «Անգիտաց անպէտ»-ում նույնպես կա դեղատոմսու Այն է. «խաթմին (տուղտն) եփես ջրով և մեղրաջրով զլուխ վանաս»: Սույն ջուրը և թե բացախով քսեն մեղվի կծած տեղը այն և չի ցավի և չի ուռի [2, էջ 215]:

Ականջի շրջանի բորբոքումների, ականջի ցավերի համար Ամիրդովլաթ Ամասիացին այստեղ էլ ունի ցավազրկող և բուժող դեղամիջոցներ. «զմոմն և զոմ հալեն, և զ շաբաթ յարևն դնեն, և ակնջթոռքն ուռեց կենայ, ասծես, աղտէ» [2, էջ 427]: Ինչպես նաև՝ «դմեղր, զեղն, վարդի ձիթով և հին գինով խառնես, և յականջն կաթեցնես, զցան տանի» [2, էջ 279]:

Ամիրդովլաթ Ամասիացու այս գրքում նշված է նաև մեղրի մեկուսիչ և հականեխիչ հատկության հասին, որ մեղրով կարելի է երկար ժամանակ պահել նյութեր, մթերքներ, նույնիսկ մեռած մարդու՝ անփոփոխ վիճակում. «թէ դմեռած մարդն ի մեղրն թաղեն՝ չի վնասի» [2, էջ 380]:

1431 թվականին Կ. Պոլսում Ամիրդովլաթ Ամասիացին գրում է «Ախրաբասին» երկու մասից բաղկացած աշխատությունը՝ Ախրաբատին (դեղագործություն և Մուֆրատաթին (դեղագիտություն): Այստեղ ևս նա բազմաթիվ դեղատոմսեր է առաջարկում, որոնցից հիշենք միայն մեղվի արտադրանքի հետ կապված մեկ մահլամ, որը հիանալի բուժում է կրակով կամ եռացած ջրով ալրվածքները. «առ խունկ, նունուֆարի տակ, գառնալեզու, հալիթի իսպիտակ, շիրիկ ձեթ, աղ, ոսպան ալյուր, բացախ, մոմ, կաթ, վարդի եղ, քաջախով մորհամ արա դիր վերան» [3, էջ 1ա]:

Տարիներ լինելու պարպումները Ամասիացու դեղատոմսերում նշված բույսերի և այլ նյութերի պարզաբանման ու դրանք ժողովրդական բժշկության մեջ կիրառելու գործում սովել են բավական լավ արդյունք: Այսօր մենք դրանք համարձակ օգտագործում ենք որպես բուժամիջոցներ:

## ПРИМЕНЕНИЕ МЕДА И ВОСКА В РЕЦЕПТАХ СРЕДНЕВЕКОВОГО АРМЯНСКОГО ВРАЧА АМИРДОВЛАТА АМАСИАЦИ

А. О. ГАСПАРЯН

В статье представлено целебное применение меда и воска по рецептам средневекового армянского врача Амирдовлата Амасиаци.

Благодаря нашим исследованиям уточнены и используются предложенные в рецептах растения, цветы, корни и другие средства, которые

в применении с медом и воском дали хорошие результаты при лечении некоторых болезней.

#### ԳՐԱԿԱՆՈՒԹՅՈՒՆ

1. Ամիրտովյաթ Ամասիացի, Օգուտ բժշկութեան (բժիշկ Պունիաթ Սերաստացու խմբագրած), խմբագրութեամբ Ս. Մալխասյանցի, Երևան, 1940:
2. Ամիրտովյաթի Ամասիացու, Անգիտաց անպէտ կամ բառարան բժշկական նիւթոց, Վիեննա, 1926:
3. Մ.Մաշտոցի անվան Մատենադարան, ձեռ. № 414: